



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Fasti Mariani Cum Divorvm Elogiis In Singvlos Anni Dies  
Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Alexius Conf. 17. Iulii.

**urn:nbn:de:hbz:466:1-44055**

que. Sed ille non fidens honoribus, DEIPARÆ Templum struxit, vivesque in hoc privatus invidiā sub VIRGINIS pällio impunē jam risit. Ex Ferrario.

*Anima, quæ amat, ascendit frequenter & currit familiariter per plateas cœlestis Ierusalem, visitando Patriarchas & Prophetas, salutando Apostolos, admirando exercitus Martyrum & Confessorum, chorosq; Virginiū speculando. S.Aug.Man.c.24.*

## S. ALEXIUS CONF. 17.Iulii.

THEATRUM est Orbis, in quo sæpius malè multi divitem, sed bene pauperem egit ALEXIVS. Patrem Romæ habuit Euphemianum senatorii Ordinis; Sponsam Regii sanguinis. Sed quâ nocte Hymenæus pedem thalamo inferebat, sponsum non reperit. Nempe noctis beneficio elapsus Edes-sam aufugit; ibique inter mendicabula tam diu latuit, dum ab effigie DEIPARÆ, ad cuius templum assiduus excubabat, est proditus. Tunc Romam rediit, & (quis credat?) in patriâ domo felicius personam dissimulavit. Hic cum è tangâ hereditate vix ultimum angulum ædium impetrasset, risit scilicet, cum domi se agentem quæri in alieno orbe videret, cum parentes se orbos, sponsa viduam lamentarentur, cum utrique præsentem inclamarent, vivum lugerent. Spectabat interim siccus suorum lacrimas, vivus suas exequias; appellabat patrem matremque, nec filius audiebat; basiabat servorum suorum manus & ab his servilia multa patiebatur, jam pugnis contusus, jam sordibus perfusus. Sed demum mors sifarium reduxit. Vox etenim humanâ major Romanum & Pont & Imp. ad demortuum excivit. Ibi ALEXIVM prodiderunt vul-

vultus astro similis & literæ in manibus repertæ, quibus ipse fabulæ totius argumentum descripsérat. Et placuisse fabulam Cælum ostendit, cùm miraculis applausit, toties plausus repetiturum, quoties fabulam juventus. Ex Metaphr.

*Vis obtinero cælum, quod perdidit superbiens angelus, qui confisus est in virtute suâ, & in multitudine divitiarum suarum? Paupertatis vilitatem amplectere, & tuum erit. S.Bern.serm.i.de Omn.SS.*

S. SYMPHOROSA CUM VII. FF.  
MM. 18.Iulii.

**R** Eliquit Getulius Mart. post se conjugem SYMPHOROSAM & VII. filios. Bonum factū! è tantâ familiâ neminem reperias degenerem. Scires illam Martyris uxorem, hos filios esse, qui sanguine tincta parentis vestigia fortiter insisterent. Ergo Adriano Imp. sistitur animosa cohors; & ecce mater dicit. Blanditiis, minis, tormentis omnibus pugnatur. Sed vincunt in filiis mater, in matre filii, dum ante oculos patris volat memoria, & Martem ejus, quem fundi viderant, sanguis accendit. Cumque mater in præterfluentem cum appendice saxo abjicienda esset, Præo, clamabat, filios ad victoriam mater. Si filii estis, ad patris dexteram & matris sinum etiam per tela & ignes curreatis. Ecce morior; pulchra mortis heredes quos nisi filios dicam meos? Iamq; valete: ego mulier per undas portum peto. Si viri estis, per vulnera viam in cælum animo facietis. Dixit & undis mersa, quò voluit, enatavit. Postridie fortissima turba iterum producitur, singuli que ad palum ligati statuuntur, quasi verò in hâc pugna tyrones & non veterani jam essent. Inde CRESCENTIUS ferro guttus, JULIANVS pectus, PRIMI-

TIUS